



Broj: 01-04-8-1148/23-5
Datum: 20.11.2023. godine

Na osnovu člana 64. stav 1. tačka b), člana 70. stav 1., 3. i 6. Zakona o javnim nabavkama BiH („Službeni glasnik BiH“, broj 39/14 i 59/22), člana 39. Statuta Općine Travnik ("Službene novine Općine Travnik", broj 11/05 - Prečišćeni tekst), a u vezi s preporukom Komisije za javne nabavke broj: 01-04-8-1148/23-3 od 20.11.2023. godine, načelnik Općine Travnik, **donosi**

RJEŠENJE

o izboru najpovoljnijeg ponuđača za LOT 2

- (1) Najpovoljnija ponuda za javnu nabavku radova: „Izvođenje radova na izgradnji i sanaciji dječijih igrališta na području općine Travnik“ sa podjelom na lotove za:
 - LOT 2 - je ponuda ponuđača: **GPD „Teling“ d.o.o. Travnik** sa ponuđenom cijenom u iznosu od 7.939,90 KM bez uračunatog PDV-a.
- (2) Za izvršenje ovog Rješenja i praćenje realizacije ugovora zadužuje se Služba za infrastrukturne projekte obnovu, izbjeglice, raseljena lica/osobe i stambene poslove.
- (3) Ovo Rješenje objavit će se na web-stranici Općine Travnik, istovremeno sa upućivanjem ponuđačima koji su učestvovali u postupku javne nabavke, shodno članu 70. stav 6. Zakona o javnim nabavkama.

Obrazloženje

Postupak javne nabavke radova: „Izvođenje radova na izgradnji i sanaciji dječijih igrališta na području općine Travnik“, pokrenut je Rješenjem o pokretanju postupka javne nabavke broj: 01-04-8-1148/23 od 10.10.2023. godine. Javna nabavka provedena je putem otvorenog postupka nabavke. Procijenjena vrijednost javne nabavke za LOT 2 bez uračunatog PDV-a iznosi 8.547,00 KM.

Postupak je objavljen u Informacionom sistemu „E-nabavke“ Agencije za javne nabavke BiH – broj obavještenja: 54-1-3-126-3-116/23 od 13.10.2023. godine i u „Službenom glasniku BiH“ broj 73/23. Rok za dostavljanje ponuda u skladu sa tenderskom dokumentacijom bio je 13.11.2023. godine.

Komisija za javnu nabavku imenovana je Rješenjem broj: 01-30-10-720/23 od 15.6.2023. godine te je shodno Članu 63. Zakona o javnim nabavkama BiH („Službeni glasnik BiH“ broj 39/14 i 59/22) izvršila javno otvaranje u roku dostavljenih ponuda. Javnom otvaranju nije bilo prisutnih ponuđača. Zapisnik o otvaranju ponuda ponuđačima je prosljeđeno u zakonskom roku.

Komisija je izvršila analizu dokumentacije priložene uz ponude u smislu propisane forme, suštinske provjere sadržaja i njihove validnosti obzirom na iskazane zahtjeve ugovornog organa u tenderskoj dokumentaciji, odnosno izvršila ocjenu ponuda u skladu s procedurama i pravilima utvrđenim tenderskom dokumentacijom, Zakonom o javnim nabavkama, pripadajućim podzakonskim aktima i internim aktima ugovornog organa, o čemu je sačinila odgovarajući zapisnik u kojem je utvrđeno sljedeće:

- Da su ukupno prispjele dvije (2) ponude;
- Da su blagovremeno zaprimljene dvije (2) ponude,
- Da su ponude ponuđača: GPD „Teling“ d.o.o. Travnik i GP „Tecta“ d.o.o. Travnik prihvatljive.
- Tokom pregleda i ocjene pristiglih ponuda u obrascu za cijenu ponude ponuđača:
 - Nije bilo računskih grešaka.

Nakon obavljene početne ocjene ponuda, a poštujući tačku 4.16. Tenderske dokumentacije, kojom je predviđeno održavanje e-Aukcije a sve u skladu sa Pravilnikom o uslovima i načinu korištenja e-aukcije ("Službeni glasnik BiH" broj: 66/16), Ugovorni organ je sa kvalifikovanim ponuđačima

zakazao e-aukciju na Portalu Javnih nabavki (www.ejn.gov.ba) dana 16.11.2023. godine sa početkom u 11,30 sati.

Nakon provedene e-Aukcije (Izveštaj o toku i završetku e-Aukcije) dostaviće se u prilogu ovog Rješenja, Komisija utvrđuje konačnu rang listu ponuđača bez PDV-a kako slijedi:

NAZIV PONUĐAČA	Početna cijena ponude u KM	Cijena ponude nakon e – aukcije u KM	Postotak umanjenja	RANG
GPD „Teling“ d.o.o. Travnik	7.939,90	7.939,90	0%	1
GP „Tecta“ d.o.o. Travnik	8.533,72	8.533,72	0%	2

Komisija za javne nabavke Općine Travnik dostavila je dana 20.11.2023. godine općinskom načelniku Zapisnik o radu Komisije i ocjeni ponuda koji je ujedno i izvještaj o radu Komisije broj: 01-04-8-1148/23-3, sa preporukom o izboru najpovoljnijeg ponuđača za predmetnu javnu nabavku. U istom je navedeno da je pregledana i analizirana dokumentacija priložena uz ponudu ponuđača u smislu provjere njene validnosti, obzirom na iskazane kvalifikacione zahtjeve ugovornog organa u tenderskoj dokumentaciji otvorenog postupka nabavke.

Shodno navedenom Komisija je prema utvrđenom kriteriju „najniža cijena“ preporučila općinskom načelniku da se u predmetu javne nabavke radova: „Izvođenje radova na izgradnji i sanaciji dječijih igrališta na području općine Travnik“ donese Rješenje o izboru najpovoljnijeg ponuđača i da se kao najbolje ocijenjena prihvatljiva ponuda za nabavku radova određuje ponuda ponuđača **GPD „Teling“ d.o.o. Travnik** te da se u skladu sa Članom 69. Stav (1) alineja pod a) i Članom 70. Stav (1) Zakona o javnim nabavkama BiH postupak javne nabavke okonča zaključivanjem ugovora sa najpovoljnijim kvalifikovanim ponuđačem.

Tokom donošenja ovog rješenja posebno su cijenjene činjenice da je Komisija pravilno i potpuno izvršila ocjenu kvalificiranosti ponuđača, računsku kontrolu ponuđenih cijena, te ocjenu prispjelih ponuda shodno kriterijima iz Tenderske dokumentacije.

U postupku ocjene provedenog postupka načelnik Općine nije našao nepravilnosti ili propuste u radu, koji bi eventualno, bili razlog za neprihvatanje preporuke Komisije za javne nabavke. Naime, utvrđeno je da je izbor najpovoljnijeg ponuđača izvršen u skladu sa Zakonom o javnim nabavkama i Tenderskom dokumentacijom.

POUKA O PRAVNOM LIJEKU:

Protiv ovog Rješenja može se izjaviti žalba Uredu za razmatranje žalbi BiH putem Ugovornog organa, u pisanoj formi, najkasnije u roku od 10 (deset) dana od prijema istog. Naknada za žalbu je propisana članom 108. Zakona o javnim nabavkama. Žalba se podnosi u dovoljnom broju primjeraka, koji ne može biti manji od tri.

Obradila: Aida Kavazović, dipl.jur.

DOSTAVITI:

1. Ponuđačima
2. Internet stranica UO
3. Arhiva





IZVJEŠTAJ O TOKU I ZAVRŠETKU E-AUKCIJE

Broj postupka:	54-1-3-126/23
Broj lota:	2
Naziv ugovornog organa koji je objavio obavještenje:	OPĆINA TRAVNIK
IDB/JIB ugovornog organa koji je objavio obavještenje:	4236179780001
Vrsta postupka:	Otvoreni postupak
Kriterij za dodjelu ugovora	Najniža cijena
Naziv predmeta ugovora:	Izvođenje radova na sanaciji i izgradnji dječijih igrališta
Datum i vrijeme kreiranja izvještaja:	16.11.2023. 11:42:53

Datum i vrijeme zakazivanja e-Aukcije:	14.11.2023. 11:13:47
Predviđeno vrijeme trajanja zakazane e-Aukcije:	10

POČETNA RANG LISTA PONUĐAČA KOJI SU POZVANI DA UČESTVOJU U E-AUKCiji

R.br.	Naziv ponuđača	IDB/JIB	Početna cijena u KM bez PDV-a	Rang
1	GPD TELING DOO	4236002000006	7939,90	1
2	GP "TECTA" DOO TRAVNIK	4236681650006	8533,72	2

TOK E-AUKCIJE

Period trajanja e-Aukcije

Početak: 16.11.2023. 11:30:00
Završetak: 16.11.2023. 11:40:00

Minimalna razlika podnesene cijene: 7,93
Maksimalna razlika podnesene cijene: 793,99

R.br.	Naziv ponuđača	IDB/JIB	Datum i vrijeme podnošenja nove cijene	Cijena u KM bez PDV-a
Nije bilo podnošenja ponuda.				

KONAČNA RANG LISTA PONUĐAČA KOJI SU UČESTVOVALI U E-AUKCiji

R.br.	Naziv ponuđača	IDB/JIB	Konačna cijena u KM bez PDV-a	Umanjenje cijene	Rang
1	GPD TELING DOO	4236002000006	7939,90	0%	1
2	GP "TECTA" DOO TRAVNIK	4236681650006	8533,72	0%	2

** Označava približnu vrijednost procentalnog umanjenja nakon zaokruživanja na dvije decimale

Status e-Aukcije	Završena
------------------	----------

